

靈寶畢法序

道不可以言傳不可以名紀歷古以來昇仙達道者不爲少矣  
僕志慕前賢心懷大道不意運起刀兵時危世亂始以逃生寄  
跡江湖巖谷退而識性留心唯在清淨希夷歷看丹經累參道  
友止言養命之小端不說真仙之大道因於終南山石壁間獲  
收靈寶經三十卷上部金誥書元始所著中部玉錄元皇所述  
下部真原義太上所傳共數千言予宵衣旰食遠慮深省乃悟  
陰中有陽陽中有陰本天地升降之宜日月交合之理氣中生  
水水中生氣亦心腎交合之理比物之象道不遠人配合甲庚  
方驗金丹之有準抽添卯酉自然火候之無差紅鉛黑鉛徹底  
道藏輯要  
靈寶畢法  
壹  
危集一  
不成大藥金液玉液到頭方是還丹從無人有常懷征戰之心  
自下升高漸入希夷之域抽鉛添汞致二八之陰消換骨鍊形  
使九三之陽長水源清濁辨於既濟之時內景真虛識於坐忘  
之曰玄機奧旨難以盡形方曰靈寶妙理可用入聖超凡總而  
爲三乘之法名靈寶畢法大道聖言不敢私入一已用傳洞賓  
足下道成勿秘當詒後來之士正陽真人鍾離權雲房序